

lésu I Hó Khôechhiú ê Lâng

(Mt 12:9~14; Lk 6:6~11)

3 lésu koh jìpkhì lûthài lâng ê hōetng, tī hia ū chitê khôechhiú ê lâng. 2 Ū chitkóa lâng teh kàmsī, beh khòan lésu tī Anhiohjit ū beh kā i itī á bô, thang lâi kò l. 3 lésu tòh kā hitê khôechhiú ê lâng kóng, “Lâi khiā tī thâuchêng.” 4 Jiânāu, mng chênglâng kóng, “Anhiohjit chò hó sū á sī chò pháiⁿ sū, kiù lâng sèⁿmiā á sī hāi lâng sèⁿmiā, tó chit hāng khah háphoat?”

M̄ koh, in lóng tiāmtiām bô òn pòanⁿkù. 5 lésu siūkhi, kā in khòanⁿ chit liàn, simlāi iusiong, inūi in ê sim ngē. I kā hitê khôechhiú ê lâng kóng, “Chhiú chhun chhutlâi.” I chitê chhun chhutkhì, chhiú tòh oânchoân hòkgoân. 6 Hiahê Hoalísái Phài ê lâng chhut khì, sūsī kah Helòt Tóng ê lâng chòhóe kèbô, khòanⁿ beh ánochóaⁿ lâi hāisí lésu.

Galílaiah Ô Pìⁿ ê Kúnchiòng

7 lésu kah I ê búntô chòhóe thèkhì Galílaiah Ô píⁿ, ū kui tōatīn lâng tòe I khì. Chiahê lâng sī tui Galílaiah, lûthài, 8 Êlúsalem, Ítómáiah, loktàn Hô ê tang pêng, íkíp Tulô kah Sitòng ittài lâi ê. Inūi in ū thiaⁿ tiòh lésu sò chò ê tāichì, chiah lâi beh chhōe I. 9 Inūi lâng chin chē, ee khekhèh, lésu tòh hoanhù I ê búntô, chúnpī chit chiah chúnⁿá hō I thang chē, biántit I hông kheh píⁿ khì. 10 Inūi I ū i hó chin chē lâng, sò ū pēⁿ ê lâng lóng chhih óa lâi beh bong I. 11 Liân hiahê siásin chitê khòanⁿ tiòh lésu, tòh phak tī I ê bīnchêng, tōasiaⁿ hoah kóng, “Lí sī SiōngChú ê Kiáⁿ!”

12 M̄ koh, lésu giāngiām bēnglêng in m̄ thang kongkhai piáubêng I ê sinhūn.

lésu Kéngsoán Chápjī Sùtô

(Mt 10:1~4; Lk 6:12~16)

13 lésu chiūⁿ soaⁿ, kiò I sò kahì ê lâng lâi, in tòh

耶穌醫好癩手 ê 人

(太 12:9~14 ; 路 6:6~11)

3 耶穌 koh 入去猶太人 ê 會堂, tī hia 有一个 癩手 ê 人。 2 有一 kóa 人 teh 監視, beh 看耶穌 tī 安歇日有 beh kā 伊醫治 á 無, thang 來告祂。 3 耶穌 tòh kā hitê 癩手 ê 人講:「來 khiā tī 頭前。」 4 然後, 問眾人講:「安歇日做好事 á 是做 pháiⁿ 事, 救人性命 á 是害人性命, tó 一項 khah 合法?」

M̄ koh, in lóng 怏怏無應半句。 5 耶穌受氣, kā in 看一 liàn, 心內憂傷, 因為 in ê 心硬。 祂 kā hitê 癩手 ê 人講:「手伸出來。」 伊一下伸出去, 手 tòh 完全復原。 6 Hiahê 法利賽派 ê 人出去, 隨時 kah 希律黨 ê 人做伙計謀, 看 beh án 怎來害死耶穌。

加利利湖邊 ê 群眾

7 耶穌 kah 祂 ê 門徒做伙退去加利利湖邊, 有 kui 大陣人 tòe 祂去。 Chiahê 人是 tui 加利利、猶太、 8 耶路撒冷、以土買、約旦河 ê 東 pêng, 以及推羅 kah 西頓一帶來 ê。 因為 in 有聽 tiòh 耶穌所做 ê tāichì, chiah 來 beh chhōe 祂。 9 因為人真 chē, 挨挨 khekhèh, 耶穌 tòh 吩咐祂 ê 門徒, 準備一隻船 hō 祂 thang 坐, 免得祂 hông kheh 扁去。 10 因為祂有醫好真 chē 人, 所以有病 ê 人 lóng chhih óa 來 beh 摸祂。 11 連 hiahê 邪神一下看 tiòh 耶穌, tòh phak tī 祂 ê 面前, 大聲 hoah 講:「祢是上主 ê Kiáⁿ!」

12 M̄ koh, 耶穌嚴嚴命令 in m̄ thang 公開表明祂 ê 身分。

耶穌揀選十二使徒

(太 10:1~4 ; 路 6:12~16)

lâi kàu I hia. 14 I tòh jimbēng chapjê lâng, kâ in kiòchò sùtô, thang hō in kah I siôngsiông chòhóe, mā thang chhephài in khì soaniông tōlí, 15 koh hō in ū koânpèng thang kóaⁿ kúi.

16 lésu sǒ jimbēng ê chapjê lâng tòh sī, Símdòng, lésu kâ i hōchò Peteloh, 17 koh ū Chebehtái ê kiáⁿ lâkop kah i ê siótī lôháneh, chit nng lâng lésu kâ in hōchò Boánnegéh, ìsù tòh sī “Lúikong ê kiáⁿ”. 18 láu ū Antoléh, Huillppò, Batholômái, Máthài, Thomásuh, Alhoal'ioh ê kiáⁿ lâkop, Thattái, Àikok Tóng ê Símdòng, 19 kah āu lâi chhutbē lésu ê Kaliók lâng lôtah.

lésu kah Kúióng Béhchebul

(Mt 12:22~32; Lk 11:14~23,12:10)

20 lésu trngkhì chhù nh, koh ū chin tōatīn ê lâng chūchíp óa lâi. lésu kah I ê buntô soah lân chiáhpng ê sīkan to bô. 21 I ê kachók thiaⁿ tiòh áne, tòh chhutlâi beh kâ I liáh, inūi ū lâng kóng I ê chengsīn sitsiông.

22 Tùi Êlúsalem loh lâi ê kenghák kàusu kóng, “I hō Béhchebul hūsin!” Koh kóng, “I sī óakhò kúióng teh kóaⁿ kúi.”

23 lésu kiò in lâi, ēng phijū kâ in kóng, “Satán ná ē kóaⁿ Satán chhut khì? 24 Kokka nā hunliát khí lâiloān, hitê kokka ittēng ē biátbông. 25 Katēng nā hunliát khí huncheng, hit ê katēng mā bē tàng kèsiók chūnchāi. 26 Chhinchhiūⁿ áne, Satán ê koktō nā khí hunliát, hōsiong kongkek, Satán ê koktō tòh khiā bē tiâu, tekkhak ē biátbông.

27 “Bô lâng ē tàng chhim jipkhì íongsū ê chhù kiap i ê châibút, tūhui i tāseng kâ hitê íongsū pák khí lâi, jiānāu chiah ē tàng kiap i chhù lâi ê châibút.

28 “Góa sitchāi kâ lín kóng, lâng bôlun hoān tiòh siáⁿmih chōe, sīmchì húpòng ê chōe, i lóng ē tit tiòh siabián. 29 M̄ koh, lâng nā siattók Sènglêng, tòh choattùi bē tàng tit tiòh siabián,

13 耶穌 chiūⁿ 山，叫祂所 kah 意 ê 人來，in tòh 來到祂 hia。14 祂 tòh 任命十二个人，kâ in 叫做使徒，thang hō in kah 祂常常做伙，mā thang 差派 in 去宣揚道理，15 koh hō in 有權柄 thang 趕鬼。

16 耶穌所任命 ê 十二个人 tòh 是：西門，耶穌 kâ 伊號做彼得，17 koh 有西庇太 ê kiáⁿ 雅各 kah 伊 ê 小弟約翰，chit 兩人耶穌 kâ in 號做半尼其，意思 tòh 是「雷公 ê kiáⁿ」。18 láu 有安得烈、腓力、巴多羅買、馬太、多馬、亞勒腓 ê kiáⁿ 雅各、達太、愛國黨 ê 西門，19 kah 後來出賣耶穌 ê 加略人猶大。

耶穌 kah 鬼王別西卜

(太 12:22~32 ; 路 11:14~23, 12:10)

20 耶穌 trng 去厝裡，koh 有真大陣 ê 人聚集 óa 來。耶穌 kah 祂 ê 門徒 soah 連食飯 ê 時間 to 無。21 祂 ê 家族聽 tiòh áne, tòh 出來 beh kâ 祂掠，因為有人講祂 ê 精神失常。

22 Tùi 耶路撒冷落來 ê 經學教師講：「祂 hō 別西卜附身！」Koh 講：「祂是 óa 靠鬼王 teh 趕鬼。」

23 耶穌叫 in 來，用譬喻 kâ in 講：「撒旦 ná ē 趕撒旦出去？24 國家若分裂起內亂，hitê 國家一定 ē 滅亡。25 家庭若分裂起紛爭，hitê 家庭 mā bē tàng 繼續存在。26 親像 áne, 撒旦 ê 國度若起分裂，互相攻擊，撒旦 ê 國度 tòh khiā bē tiâu, 的確 ē 滅亡。

27 「無人 ē tàng 侵入去勇士 ê 厝劫伊 ê 財物，除非伊 t̄ai 先 kâ hitê 勇士縛起來，然後 chiah ē tàng 劫伊厝內 ê 財物。

28 「我實在 kâ lín 講：人無論犯 tiòh 啥物罪，甚至誹謗 ê 罪，伊 lóng ē 得 tiòh 赦免。29 M̄ koh, 人若褻瀆聖靈，tòh 絕對 bē tàng 得 tiòh 赦免，因為伊犯 tiòh 永遠 bē tàng 得 tiòh

inūi i hoān tòh éngoán bē tàng tit tòh siàbián ê chōe.” 30 lésu kóng chiahê ôe, sī inūi ū lâng kóng l hō siásîn hūsin.

lésu ê Lāubú kah Hiaⁿtī

(Mt 12:46~50; Lk 8:19~21)

31 lésu ê lāubú kah l ê hiaⁿtī lâi khiā tī gōabīn, chhe lâng jìpkhì kiò lésu chhut lâi. 32 Chènglâng chē tī lésu ê chiuūi, ū lâng kā l kóng, “Lí khòan, Lí ê lāubú kah Lí ê hiaⁿtī tī gōabīn beh chhōe Lí.”

33 lésu ìn in kóng, “Siáⁿlâng sī Góa ê lāubú? siáⁿlâng sī Góa ê hiaⁿtī?” 34 l tòh kā hiahê chē tī l chiuūi ê lâng khòan chít liàn, kóng, “Lín khòan! Chiahê tòh sī Góa ê lāubú kah Góa ê hiaⁿtī! 35 Kiànnā chunhêng SiōngChú ê chî ê lâng, i tòh sī Góa ê hiaⁿtī, Góa ê chímōe, Góa ê lāubú.”

赦免 ê 罪。」 30 耶穌講 chiahê 話，是因為有人講祂 hō 邪神附身。

耶穌 ê 老母 kah 兄弟

(太 12:46~50 ; 路 8:19~21)

31 耶穌 ê 老母 kah 祂 ê 兄弟來 khiā tī 外面，差人入去叫耶穌出來。 32 眾人坐 tī 耶穌 ê 周圍，有人 kā 祂講：「祢看，祢 ê 老母 kah 祢 ê 兄弟 tī 外面 beh chhōe 祢。」

33 耶穌應 in 講：「啥人是我 ê 老母？啥人是我 ê 兄弟？」 34 祂 tòh kā hiahê 坐 tī 祂周圍 ê 人看一 liàn，講：「Lín 看！Chiahê tòh 是我 ê 老母 kah 我 ê 兄弟！ 35 見若遵行上主 ê 旨意 ê 人，伊 tòh 是我 ê 兄弟，我 ê 姊妹，我 ê 老母。」